

修訂日期: 2006/04/12 發行日期: 2007/3/7

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 32, No. 1658

原始資料: 蕭鎮國大德提供, 維習安大德提供之高麗藏 CD 經文, 日本 SAT 組織提供, 北美某大德提供

No. 1658

諸教決定名義論

聖慈氏菩薩造

西天譯經三藏朝奉大夫試鴻臚卿傳法大師臣施護奉 詔譯

歸命一切佛世尊 歸命所說三乘法

歸命一切和合眾 歸命普賢法界理

今當略說一切教中諸根本字。彼如實義此中云何。所謂。

唵字最為上首。我今頂禮此字清淨住不二相。若復有人能以此字舌上轉者。彼得真實諸慧根本。此字於一切教中甚深祕密。

復有三字。所謂金剛吽字而為正因。從是字中宣說一切正法儀軌。彼三界心此法如是。惡字為說相。盡字即空性。即彼惡字復為慧母。若道非道皆從是說。亦即法界文字根本遍入空性。初後相應由此正智而得成就。若法有說皆悉成就。彼無所說亦復如是。是故一切造作皆悉平等。於輪迴中隨順而轉。

所言法界文字此復云何。是故今說。所謂。

迦(訖當切)佉(去當切)誡(宜當切)伽(其當切)左(左當切)蹉(悽當切)惹(啗當切) 鄢(齊當切)吒(知江切)姤(敕江切)拏(尼江切) 荼(直江切)多(低剛切)他(梯剛切)那(泥剛切) 馱(蹄剛切)波(卑剛切)頗(紕剛切)摩(糜剛切) 婆(步剛切)羊囉羅罔桑[元*欠](呼郎切)。

如是諸字。即如前說彼盡字攝。此相今說是即空性。出生甚深一切教法。此復名為空空。出現一切說相。所謂迦佉誡伽左蹉惹鄢吒姤拏荼多他那馱波頗摩婆耶囉羅嚩薩賀。

如是諸字即如前說彼惡字攝。此相今說。謂即一一文字。皆從一切智智所生。初相應行我法二種皆悉平等。金剛加持究竟安住。

復次一切事業皆從金剛三昧出生。所謂。

迦(引)佉(引)誡(引)伽(引)左(引)蹉(引)惹(引)鄢(引)吒(引)姤(引)拏(引)荼(引)多(引)他(引)那(引)馱(引)波(引)頗(引)平)摩(引)婆(引)耶(引)囉(引)羅(引)嚩(引)薩(引)賀(引)。如是諸字皆阿(引)字攝。此相今說。謂一切金剛事業。復次今說。

烏(烏功切)汚(烏貢切)壹(伊靈切)翳(伊證切)哩(黎丁切下同)哩梨(里丁切下同)梨伊(依綾切)愛(依崗切)唵(烏籠切)奧(烏當切)。

此中唵字相今如是說。謂即一切文字從彼出生。

此中吽字相即如前說。一切事業皆從金剛三昧出生。

復次如前所說諸字。謂即三身。若性若相如實安住。所謂。

吽字即法身。阿字即報身。唵字即化身。如是三字攝此三身。彼分別說三乘解脫道。是為正說因。所有聲聞緣覺及一切智智。由是出現說一切法。即彼三字。亦是金剛三業如實安住。所謂。

唵(引)阿(引)吽(引)。

此中唵字是名金剛身業。阿(引)字金剛語業。吽字金剛心業。

又復阿惡二字安住空性。此中惡字亦為正智。此中阿字是即正覺最上祕密。

又復吽字而為心智。覺了一切法。如上所說一切文字。當知皆從盍阿(引)吽三字所生。由是諸法起。種種相今當分別。彼一切法皆與盍阿(引)二字初後相攝。此中吽字出生一切。於三界中出現眾色。所有天人龍阿修羅迦樓羅緊那羅乾闥婆。成就持明天吉祥天。辯才天烏摩天。帝釋天梵王天。那羅延天大自在天。如是等天及天后。所有一切有情界中男子女人。乃至諸佛菩薩等。皆從此吽字出生變化。彼一一心住此字相。

若心想此字時。當住虛空出生無礙。所謂三界心同此一心入。入是心已。此得名為現證菩提。當知此心無等無取無著無住無表無相。是即虛空平等一切智。無所得相應。無自無他相應正行。世間所有旃陀羅等。最下族類彼等諸行。乃至傍生等類。彼所行行種種差別。如是諸行雖復差別。皆亦不離一切智智相應正行。

復次一切文字性非有說。然彼一切智智。於諸文字方便宣說。

此中文字當云何義。謂虛空義。虛空何義謂空性義空性何義謂戊室囉義。戊室囉何義謂無說義。無說何義謂無相義。無相何義謂一切智義。一切智何義謂如意寶義如意寶何義謂即智義。智復何義所謂心義。心復何義謂彼三界大自在義。三界大自在何義謂遍照義。遍照何義謂梵天義。梵天何義謂大力天義。大力天何義謂自在天義。自在天何義謂即佛義。佛者何義謂金剛薩埵義。金剛薩埵何義謂觀自在義。觀自在何義謂世間義。世間何義謂輪迴義。輪迴何義謂涅槃義。涅槃何義謂不可數義。不可數何義謂不可知義。不可知何義謂無生義。無生何義謂無滅義。無滅何義謂無色義。無色何義謂無聲義。無聲何義謂無根本義。無根本何義謂無長養義。無長養何義謂無住義。無住何義。此無住者即無所有。離諸有智思惟分別。出過諸佛及佛菩提。安住金剛吽字根本。即此吽字復成蓮華火曼拏羅。住空空性離塵法性。二種根本最上清淨相應勝行。

如是了知己。於輪迴中勇猛精進。普令獲得涅槃大樂。若住此心。是為智者滅苦惱法。二種根本皆悉平等。是為最上精進勝行。成就牟尼大安樂法。安住正念。如日光明普照世間。心智平等相應安住。所有一切甚深祕密如前所說。彼戊室囉及虛空分

皆如是說。

如是成就最上樂法。即得諸佛自性相應。了知世間所有眾生一切生法。喜愛二種和合相應當知無性。彼無常法畢竟空寂。

諸教決定名義論